



## " ISRAK DAN MIKRAJ : HUBUNGANNYA DENGAN SOLAT "

الْحَمْدُ لِلَّهِ الْقَائِلِ: سُبْحَنَ الَّذِي أَسْرَى بِعَبْدِهِ  
لَيْلًا مِّنَ الْمَسْجِدِ الْحَرَامِ إِلَى الْمَسْجِدِ الْأَقْصَا  
الَّذِي بَرَكْنَا حَوْلَهُ لِنُرِيَهُ مِنْ آيَاتِنَا إِنَّهُ هُوَ  
السَّمِيعُ الْبَصِيرُ .

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ  
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ



تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ.

**Sidang Jumaat Yang Dirahmati Allah,**

Marilah kita tingkatkan ketaqwaan ke hadrat Allah SWT dengan melaksanakan segala perintah Allah SWT dan menjauhi segala larangannya, supaya kita mendapat balasan baik di akhirat kelak.

**Sidang Jumaat Yang Dirahmati Allah,**

Kita sedia maklum, pada bulan ini umat Islam menyambut dan mengingati kedatangan peristiwa Israk dan Mikraj, iaitu suatu malam yang bersejarah lagi luar biasa. Pada malam tersebut, Rasulullah s.a.w. telah melakukan satu perjalanan yang jauh, iaitu dari Mekah ke Baitul Maqdis, Palestin. Kemudian, daripada tempat tersebut, Baginda naik ke langit yang dinamakan Mikraj. Dimulai langit pertama, hinggalah ke langit ke tujuh. Selepas itu, Nabi Muhammad s.a.w. naik ke Sidratul Muntaha pula, hingga sampai ke suatu tempat yang bernama Mustawa'. Perjalanan dengan roh dan jasad itu berlaku dalam masa yang amat singkat sekali. Menurut jumhur ulama', terjadinya pada 27 Rejab, setahun sebelum Nabi Muhammad s.a.w. berhijrah ke Madinah.

Peristiwa yang luar biasa itu merupakan satu mukjizat yang besar bagi Nabi Muhammad s.a.w. kerana belum ada manusia yang melakukannya sebelum Baginda. Allah S.W.T. merakamkan peristiwa tersebut dalam surah Al-Isra' ayat 1;



سُبْحَنَ الَّذِي أَسْرَى بِعَبْدِهِ لَيْلًا مِّنَ الْمَسْجِدِ  
الْحَرَامِ إِلَى الْمَسْجِدِ الْأَقْصَا الَّذِي بَرَكْنَا حَوْلَهُ  
لِنُرِيَهُ مِنْ آيَاتِنَا إِنَّهُ هُوَ السَّمِيعُ الْبَصِيرُ ﴿١﴾

*"Maha Suci Allah yang telah menjalankan hamba-Nya (Muhammad) pada malam hari, dari Masjid al-Haram (di Mekah) ke Masjid Al-Aqsa (di Palestin), yang Kami berkati sekelilingnya, untuk memperlihatkan kepadanya tanda-tanda (kekuasaan dan kebesaran) Kami. Sesungguhnya, Allah jualah Yang Maha Mendengar lagi Maha Mengetahui".*

### **Sidang Jumaat Yang Dirahmati Allah,**

Peristiwa Israk dan Mikraj ini mempunyai hubung kait dengan perintah menunaikan ibadah solat. Ibadah ini diperintah oleh Allah S.W.T., dengan menjemput Rasulullah s.a.w. datang mengadap-Nya di Arasy, bukan dengan mengutus malaikat Jibril a.s., untuk menyampaikannya ke dunia, seperti mana perintah menunaikan ibadah puasa, zakat dan haji.

Status ibadah solat, di sisi Allah SWT adalah perkara utama dalam ibadah. Dengan berdirinya solat, maka tegaklah agama, dan apabila meninggalkan solat, maka runtuhlah agama.

Hadis daripada Umar al-Khattab R.A bahawa Rasulullah s.a.w. bersabda;



الصَّلَاةُ عِمَادُ الدِّينِ فَمَنْ أَقَامَهَا فَقَدْ أَقَامَ  
الدِّينَ وَمَنْ تَرَكَهَا فَقَدْ هَدَمَ الدِّينَ.

*"Solat itu adalah tiang agama. Barang siapa yang mengerjakannya, bererti ia menegakkan agama, dan barang siapa yang meninggalkannya, bererti ia telah merobohkan agama".*

*(Riwayat Al-Baihaqi)*

Ibadah solat pada mulanya difardhukan sebanyak 50 kali solat, siang dan malam. Rasulullah s.a.w. berulang kali mengadap Allah SWT, mohon supaya diringankan. Allah SWT memperkenan permintaan Baginda dengan mengurangkannya kepada 5 kali sahaja. Allah SWT berfirman:-

*"Wahai Muhammad, itulah solat lima kali, setiap siang dan malam. Pada setiap sekali daripadanya, dikira sepuluh. Jika 5 kali, maka ia menjadi 50 solat".*

Ini menunjukkan bahawa solat itu hebat statusnya, iaitu hebat cara menyampaikannya kepada Rasulullah s.a.w., malah hebat juga cara melakukannya.

Allah SWT menilai seseorang Islam sama ada baik atau tidak, melalui amalan solatnya. Amalan yang akan dihisab terlebih dahulu di hari akhirat, adalah amalan solat. Rasulullah s.a.w. bersabda yang bermaksud;

*"Persoalan pertama yang akan ditanya (dipertanggungjawabkan) kepada manusia di hari akhirat, ialah solat. Apabila solatnya dapat*



*diterima (oleh Allah), maka akan diterima seluruh amalnya, dan sekiranya solatnya ditolak (oleh Allah), akan ditolak seluruh amalnya".*

*(Riwayat Ahmad, Abu Daud dan Ibnu Majah)*

Hadis ini memberi pengajaran kepada kita, bahawa sekalipun seseorang itu melakukan puasa Ramadhan, membayar zakat, menunaikan haji, bersedekah kepada fakir miskin, berjasa besar kepada bangsa dan negara, namun jika tidak mengerjakan solat atau melalaikannya, maka seluruh amalan kebajikannya akan ditolak oleh Allah SWT.

### **Sidang Jumaat Yang Dirahmati Allah,**

Solat adalah suatu ibadah yang dilakukan dengan menggerakkan seluruh jasmani dan rohani. Manakala lisan pula, mengucap kalimah-kalimah yang sangat indah, mengandungi pujian, penghormatan, dan harapan tinggi yang ditujukan kepada Allah SWT. Apabila setiap gerak badan dan bacaan yang kita lakukan dengan ikhlas, sempurna, khusyuk dan penuh kesedaran, maka semuanya itu akan mempengaruhi diri, jasmani, rohani dan pemikiran serta akhlak, sehingga solat itu benar-benar dapat mencegah daripada perbuatan keji dan mungkar.

Firman Allah SWT dalam surah al-Ankabut ayat 45;

وَأَقِمِ الصَّلَاةَ إِنَّ الصَّلَاةَ تَنْهَىٰ عَنِ الْفَحْشَاءِ  
وَالْمُنْكَرِ ۚ وَلَذِكْرُ اللَّهِ أَكْبَرُ ۗ وَاللَّهُ يَعْلَمُ مَا تَصْنَعُونَ





*"Dan dirikanlah solat. Sesungguhnya, solat itu mencegah daripada perbuatan keji dan mungkar. Dan sesungguhnya mengingati Allah adalah lebih besar (faedah dan kesannya) dan (ingatlah) Allah mengetahui akan apa yang kamu kerjakan".*

Sementara bagi solat yang dikerjakan secara sambil lewa, sekadar untuk diketahui orang, tanpa kesedaran mendalam, bukan sahaja tidak mendapat keredhaan Allah S.W.T., tetapi sebaliknya akan mendapat kemurkaan Allah S.W.T. Solat seperti itu, tidak akan merubah dan memperbaiki akhlak seseorang.

### **Sidang Jumaat Yang Dirahmati Allah,**

Falsafah yang terkandung dalam ibadah solat amat banyak, antaranya:-

Pertama : Solat berjemaah. Sebelum solat dimulakan, imam dikehendaki memastikan saf jemaah berada dalam keadaan lurus dan rapat, kerana kerapian saf tersebut termasuk dalam kesempurnaan solat berjemaah. Ini memberi pengajaran kepada kita, betapa pentingnya peranan penyatuan yang terlaksana dengan rapi, lurus dan berdisiplin supaya tidak mudah ditembusi oleh musuh.

Kedua : Arah solat, mestilah sama, iaitu mengadap Ka'abah. Di mana saja solat itu didirikan, tidak boleh menyimpang dari arahnya. Ini bermakna, di mana sahaja kita berada, walau dalam apa keadaan sekalipun, jangan sedikit pun menyimpang daripada landasan yang ditentukan Islam,



iaitu bersatu mematuhi ajaran al Quran dan sunnah Rasulullah s.a.w.

Ketiga : Solat sebagai Mikraj orang Mukmin, mesti dilakukan dalam keadaan bersih daripada najis, sama ada badan, pakaian atau tempat tinggal. Ini bermaksud, orang Islam sentiasa mensucikan aqidah daripada syirik dan khurafat, membersihkan seluruh amalnya daripada riak dan hasad dengki yang boleh meruntuhkan martabat serta kehormatannya sebagai manusia.

### **Sidang Jumaat Yang Dirahmati Allah,**

Malang sekali, terdapat segelintir di kalangan orang Islam yang mempertikai kewajipan ibadah solat. Mereka menyatakan bahawa solat itu, memadai dengan niat sahaja, tanpa perlu berdiri rukuk dan sujud. Terdapat juga yang berpendapat, solat boleh dijamakkan sepanjang hayat, dilakukan tiga kali sehari semalam. Mereka menyatakan bahawa hidup di dunia ini adalah musafir. Orang musafir, harus menjamakkan solat. Malah, ada yang lebih sesat lagi menyatakan, solat tidak wajib, boleh diganti dengan membuat amal kebajikan sahaja sudah memadai.

Ajaran dan fahaman seperti ini sedang mempengaruhi segelintir masyarakat Islam yang cetek ilmu agamanya. Ajaran tersebut sudah difatwakan oleh Ahli Jawatankuasa Fatwa Negeri Selangor, sebagai ajaran sesat.

### **Sidang Jumaat Yang Dirahmati Allah,**

Dalam peristiwa Israk dan Mikraj, Rasulullah s.a.w. telah diperlihatkan kepada satu kaum yang dihempap kepalanya dengan batu-



batu besar. Setiap kali dihempap, kepala mereka berkecai. Kemudian, bercantum semula seperti sedia kala. Hal ini terus-menerus berlaku tanpa henti. Rasulullah s.a.w. bertanya kepada malaikat Jibril a.s. tentang peristiwa tersebut. Malaikat Jibril a.s. lantas menjawab, "mereka itu adalah orang-orang yang sentiasa malas untuk menunaikan solat fardu". Demikianlah betapa dahsyatnya seksaan kepada mereka yang malas dan meninggalkan ibadah solat.

Oleh itu, tidak ada ertinya beriman dengan peristiwa Israk dan Mikraj, seandainya kita tidak tunjukkan dengan bukti, iaitu menunaikan perintah Allah S.W.T. kepada Nabi Muhammad s.a.w. dalam peristiwa itu, iaitu kewajipan ibadah solat.

### **Sidang Jumaat Yang Dirahmati Allah,**

Marilah kita menginsafi diri dan istiqamah dalam mendirikan ibadah solat. Janganlah kita termasuk dalam golongan yang lalai. Tidaklah memadai dengan solat seminggu sekali sahaja, iaitu solat Jumaat, tetapi melalaikan solat fardhu lima waktu sehari semalam.

Islam juga memerintahkan kita agar sentiasa memastikan ahli keluarga telah menunaikan solat, termasuk isteri dan anak-anak. Oleh itu, kita disuruh memimpin dan memastikan anak-anak supaya menunaikan solat ketika berumur 7 tahun dan memukul mereka yang tidak menunaikannya, ketika berumur 10 tahun.





أَعُوذُ بِاللَّهِ مِنَ الشَّيْطَانِ الرَّجِيمِ  
وَأْمُرْ أَهْلَكَ بِالصَّلَاةِ وَاصْطَبِرْ عَلَيْهَا لَا نَسْأَلُكَ رِزْقًا  
نَحْنُ نَرْزُقُكَ وَالْعَاقِبَةُ لِلتَّقْوَى ﴿١٣٢﴾

"Perintahkan keluargamu serta umatmu mengerjakan solat. Dan hendaklah engkau bersabar menunaikannya. Kami tidak meminta rezeki kepadamu (bahkan), Kamilah yang memberi rezeki kepadamu. Dan (ingatlah), kesudahan yang baik adalah bagi orang-orang yang bertaqwa".

(Toha : 132)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلْ مِنِّي وَمِنْكُمْ تِلَاوَتُهُ، إِنَّهُ هُوَ  
السَّمِيعُ الْعَلِيمُ.



أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا  
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ  
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ  
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ  
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا  
عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِ الْمُرْسَلِيْنَ وَارْضَ  
اَللّٰهُمَّ عَنْ اَصْحَابِهِ وَقَرَابَتِهِ وَاَزْوَاجِهِ وَذُرِّيَّاتِهِ  
اَجْمَعِيْنَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ  
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيْعٌ  
قَرِيْبٌ مُّجِيْبُ الدَّعَوَاتِ وَيَا قَاضِيَ الْحَاجَاتِ. اَللّٰهُمَّ  
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ  
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ بَعِيْنَ  
عِنَايَتِكَ الرَّبَّانِيَّةِ وَبَحْفَظِ وَقَايَتِكَ الصَّمَدَانِيَّةِ، جَلَالَةَ  
مَلِكِنَا الْمُعَظَّمِ سُلْطَانَ سَلَاعُورَ، سُلْطَانَ شَرَفِ الدِّيْنِ  
ادريس شاه الحاج ابن المرحوم سُلْطَانَ صَلَاحُ الدِّيْنِ  
عبد العزيز شاه الحاج.

اَللّٰهُمَّ اَدِمِ الْعَوْنَ وَالْهَدَايَةَ وَالتَّوْفِيقَ، وَالصِّحَّةَ  
وَالسَّلَامَةَ مِنْكَ، لَوْلِيَّ عَهْدِ سَلَاعُورَ، تَعَكَوْ اَمِيْر شَاه



إِبْنِ السُّلْطَانِ شَرَفُ الدِّينِ اَدْرِيسِ شَاهِ الْحَاجِ فِي  
أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ  
وَالْإِكْرَامِ. اَللّٰهُمَّ اَطِلْ عُمْرَهُمَا مُصْلِحِيْنَ لِلْمُوظَّفِيْنَ  
وَالرَّعِيَّةِ وَالْبِلَادِ، وَبَلِّغْ مَقاصِدَهُمَا لِطَرِيقِ الْهُدٰى  
وَالرَّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebakikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً  
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ  
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ  
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.